

عموما ليس شرطا أن نقوم بصنع الامتحان بانفسنا بل سنحصل عليه جاهزا من موقع
www.examcollection.com

يحتوي الموقع على اسئلة لاغلب الشهادات العالمية مجهزة بامتداد vce وهي الصيغة الخاصة ببرنامج
Visual CertExam

يعني باختصار ادخل على الموقع واختار الامتحان ونزله وافتحه على جهازك بالبرنامج وبالمناسبه
الموقع مجاني

يوجد في الموقع ايضا مكتبه ضخمة من اسئلة الأمتحانات ولكن بصيغة PDF

أنا مش ح اشرح البرنامج لكن ح اقول بعض النقط المهمة للغاية:

- ما تحاولش تحفظ الاجابات من غير ما تكون مذاكر كويس لانك في مرحله ح تلاقي الدنيا كلها شبه
بعضها

- غالبا الامتحان ما بيخرجش من الأسئلة اللي ح تنزلها يعني لو ذاكرت 300 او 400 سؤال فتأكد انك
بحول الله وعونه ممكن تجيب 80% على الأقل

- احيانا الأسئلة بتتغير ، يعني ممكن تدخل الامتحان تلاقي اسئلة جديدة ما ذاكرتهاش ، علشان كده
لازم تكون مذاكر المادة كويس جدا " الفصل السابق " لأنك لو مذاكر المادة و متدرب كويس على
اسئلة الأمتحانات واسلوبها ح تعرف تحل أي سؤال

- مهم جدا انك تذاكر مع الأسئلة ال Explanation اللي بيكون مع الأجابه لأنه بيكون فيه الخلاصة ،
ولو نزلت امتحان وما كانش فيه Explanation ما بتديش بيه لكن خليه للمراجع فقط

- اتدرب كويس على برنامج Visual CertExam واعرف امكانياته لأنه ح يفيدك جدا في انك تقسم
الاسئلة او تخفي الاجابات او تحدد لنفسك وقت أو نسبة نجاح

- اعمل حسابك انك ما تدخلش الامتحان الا لما تكون بتجيب نسبة نجاح 1000 من 1000 او في
اسوأ الاحوال ما يقعش منك الا 5 أو 6 أسئلة من ال 300 أو 400 سؤال لأنك بتذاكر في ظروف نفسه
أبسط بكثير من جو الأمتحان